

ben/od ein wasser dz ein walt gethō hat vñ wider
erkalt ist. od zū zeytē ein wolgewessertē weyn. dar
umb spricht Auicēna/ Wan soll in gebē ein wenig
wasser/ od ein wasser mit wenig weyn vermischet.
Vñ er spricht/ so kind andere kost dan muß vñnd
milch esset/ so ist in d wein schedlich. als ir hernach
in dē letzten capitel hören werdēt. Auch ist zūmer
cken dz saugen den kindē wol zūmmet/ vñ sye dan
uon wol gefürt werdēt. vñ so die milch d seügamē
güt ist/ ye lenger man dz kind seügt/ ye besser es ist
Wo aber die milch dē kindē nit zūmē/ oder dz sye
darbey nit zūnemē woltē/ od so die seügam schwā
ger würde/ oder andere kräckheit an ir het/ od an
dere vnstraffliche vrsachē wer. wo man dā ein an
dere gehabē möchste/ so wer nützer dz mā das kind
abmütterte/ dan dz man es weyter seügte. vñ dar
umb so kann man nitt so gar geordnet zeyt setzen
kind zeseügen/ dan nach gestalt der sachen.

¶ Wie man die kind abmütteren sol.

¶ Von abmütteren ist zewissen/ so man kind her
dan nemē wil/ so sol es sittigklich beschē/ also dz
man alle tag sauges etwas abprech. vñd darfür
man in ein trunck wassers geb in eynē hülzen ge
schirlin dorinn ein ranfft eyns ruckē brotz ein walt
gethō hat/ vñ er erkaltet sey. od eyns zucker was
sers domit einer maß wassers zwey lot zuckers er
walt seynd so lang vñ man herte eyer seüt/ od des
gleichē ein tranck. Besund so die kind wol erstar
cket seynd. wo sye aber noch iung seynd als vnder
dem jar/ vñ man sye herdan nemē wil/ so geb mā